



SKIPULAGS- OG
BYGGINGARFULLTRÚINN SÚÐAVÍK

Grundarstræti 3, 420 Súdavík, kt. 630269-4589, sími 450 5900

Súdavíkurbreppur

Grundarstræti 3-5
420 Súdavík

Súdavík, 30. nóvember 2021
2111005

Efni: Landfylling inn af Langeyri, framkvæmdaleyfi

Súdavíkurbreppur sækir hér með um framkvæmdaleyfi vegna framkvæmda skv. 13.

málgrein skipulagslaga nr. 123/2010 og reglugerðar um framkvæmdaleyfi nr.

772/2012 vegna fyrirhugaðra framkvæmda inn af Langeyri í Súdavíkurbreppi.

Framkvæmdin er í landi Súdavíkurbrepps.

Meðfylgjandi eru nánari upplýsingar um framkvæmdina.

Virðingarfyllst,
f.h. Súdavíkurbrepps

Jóhann Birkir Helgason
skipulags- og byggingarfulltrúi

Hjálagt:

- Umhverfisathuganir í Álftafirði. Rannsóknir í tengslum við fyrirhugaða landfyllingu og kalkþörungaverksmiðju á Langeyri, nóvember 2021.
- Fornleifarannsókn vegna tilvonandi framkvæmda við Langeyri í Álftafirði, Ragnar Edvardsson, júní 2021.
- Deiliskipulag hafnar- og iðnaðarsvæðis inn af Langeyri í Súdavík. Greinargerð, umhverfisskýrsla og deiliskipulagsuppdráttur.
- Umsögn Minjastofnunar Íslands dags. 1. desember 2021



SKIPULAGS- OG
BYGGINGARFULLTRÚINN SÚÐAVÍK

Grundarstræti 3, 420 Súðavík, kt. 630269-4589, sími 450 5900

Súðavíkurhreppur og Vegagerðin áforma framkvæmdir inn af Langeyri í Álftafirði. Fyrirhuguð framkvæmd fellst í 3,8 ha. landfyllingu með allt að 230.000 m³.

Markmið framkvæmdanna er útbúa 32.000 fermetra lóð fyrir kalkþörungaverksmiðju sem hyggst vinna þar allt að 120.000 m³ af kalkþörungaseti úr Ísafjarðardjúpi á ári. Áætlað er að efni í landfyllinguna komi frá dýpkun Sundahafnar í Ísafjarðarbæ.

Framkvæmdin er í samræmi við Aðalskipulag Súðavíkurhrepps 2020-2032 og deiliskipulag svæðisins.

Fyrirhuguð framkvæmd fellur ekki undir lög um umhverfismat framkvæmda og áætlana nr. 111/2021.

Efnistaka

Efnisþörf til verksins hefur verið áætluð 230.000 m³ og er gert ráð fyrir að efnið komi frá Skutulsfirði vegna dýpkunar Sundahafnar á Ísafirði. Dýpkunin hefur nú þegar farið í umhverfismat framkvæmda.

Náttúrufar og landslag

Verkið fellur að gildandi skipulagsáætlunum og er ekki háð mati á umhverfisáhrifum skv. lögum nr. 111/2021. Innan skipulagsmarka eru engar skráðar menningarminjar á landi. Í sjó eru skráðar fornminjar skv. fornleifakönnun Ragnars Edvardssonar, 2017, þ.á.m. hvalbein grafin í set. Fornleifarannsókn fór fram í júní 2021, unnin af Ragnari Edvardssyni sem leiddi í ljós að talsverðar minjar eru á sjávarbotninum. Langflestar minjanna sem liggja á sjávarbotninum eru stórhvalabein úr hvölum sem veiddir voru af norskum hvalveiðimönnum á seinni hluta 19. aldar. Engir gripir komu í ljós við rannsóknina sem voru eldri en 19. öld.

Minjastofnun hefur veitt umsögn um erindið dags. 1. desember 2021. Þar kemur fram að í umsögn stofnunarinnar við gerð deiliskipulags var farið fram á að fornleifafræðingur yrði fenginn til þess að grafa könnunarskurði í setið og rannsaka hvalbein á framkvæmdarsvæðinu. Nú hefur það verið gert og því telur Minjastofnun Íslands ekki þörf á frekari aðgerðum að sinni. Verði hins vegar farið í dýpkun á hafsbotni þurfi að leita álits hjá stofnuninni.

Jarðminjar og dýralíf

Sjö vistgerðir eru á landi og í fjöru þar sem landfyllingin verður skv. vistgerðarkorti Náttúrufræðistofnunar Íslands.

Vistgerðin klóþangsklungur er í fjöruvistgerð með mjög hátt verndargildi og er það talið mikilvægt fæðusvæði fyrir ýmsar fuglategundir. Finnungsvist hefur hátt verndargildi og tvær vistgerðir, Lyngmóavist á láglandi og stinnastaravist, hafa miðlungs verndargildi.



SKIPULAGS- OG
BYGGINGARFULLTRÚINN SÚÐAVÍK

Grundarstræti 3, 420 Súðavík, kt. 630269-4589, sími 450 5900

Landfyllingin mun rasta lífríki á strandsvæði og vistgerðir hverfa undir landfyllinguna. Klóþangsklungur er eina vistgerðin á svæðinu með mjög hátt verndargildi og er aðallega að finna á Vestur- og Norðurlandi, sérstaklega í Breiðafirði. Finnungsvist er algeng á Vestfjörðum.

Náttúrustofa Vestfjarða gerði rannsóknir í tengslum við fyrirhugaða landfyllingu, Umhverfisathuganir í Álftafirði, nóvember 2021. Mat Náttúrustofu Vestfjarða er að landfyllingin muni valda óverulegum áhrifum á gróður, fuglalíf, fjöru og grunnsævi vegna þess hve lítið svæðið er miðað við Álftafjörð og einnig ef lítið er til landsins í heild.

Einnig kemur fram að þegar kalkþörungaverksmiðjan er komin í gang og framleiðsla hafin sé líklegt að grugg og loftmengun geti valdið neikvæðum umhverfisáhrifum. Til þess að fá betri sýn og skilning á þeim áhrifum þarf frekari rannsóknir og vöktun á umhverfis- og líffræðilegum breytum. Tillaga Náttúrustofu Vestfjarða er að þeir þættir sem talað er um í skýrslunni séu vaktarir en slíkar upplýsingar gætu aðstoðað stjórnvöld verulega við ákvörðunartöku í framtíðinni og bæta verulega skilning á því hvaða áhrif slík starfsemi kann að hafa á vistkerfi fjarða á Íslandi.